

Visoko, 23.04.2014. godine
Broj: 255/14

ZAPISNIK I ZAKLJUČCI
SA PETE SJEDNICE PREDSJEDNIŠTVA SKUPŠTINE
SAVEZA OPĆINA I GRADOVA FEDERACIJE BIH

U Općini Visoko je dana 23.04.2014. godine održana Peta sjednica Predsjedništva Skupštine Saveza općina i gradova Federacije Bosne i Hercegovine (u daljem tekstu: Predsjedništvo Saveza).

Sjednici Predsjedništva Saveza prisustvovali su:

1. **g-din Husejin Smajlović**, načelnik Općine Zenica, predsjednik Predsjedništva Saveza
2. **g-din Edin Smajić**, načelnik Općine Vogošća
3. **g-din Agan Bunić**, načelnik Općine Bužim
4. **g-din Emir Bubalo**, načelnik Općine Konjic
5. **g-din Željko Josić**, načelnik Općine Domaljevac-Šamac
6. **g-din Nedžad Koldžo**, načelnik Općine Novo Sarajevo
7. **g-din Asim Mekić**, načelnik Općine Busovača
8. **g-đa Amra Babić**, načelnica Općine Visoko
9. **g-din Muhamed Ramović**, načelnik Općine Goražde
10. **g-din Abdulah Gutić**, po ovlaštenju načelnika Općine Kalesija.

Pored gore navedenih, sjednici su prisustvovali i: g-din Admir Hadžiemrić, načelnik Općine Travnik i predsjednik Nadzornog odbora Saveza, **g-đa Vildana Smajović**, Sekretar jedinstvenog općinskog organa uprave Općine Novo Sarajevo, **g-din Ismet Velić**, advokat, **g-đa Vesna Travljanin**, direktor Saveza, **g-đa Zlata Turkić**, viši saradnik za rad sa skupštinskim komisijama i institucijama vlasti, **g-đa Šejla Hasić**, viši saradnik za projekte – projekt menadžer i **g-đa Selma Fišek**, viši saradnik za pravna pitanja.

G-din Husejin Smajlović pozdravlja prisutne i otvara Petu sjednicu Predsjedništva Saveza.

G-din Emir Bubalo predlaže proširenje dnevnog reda sa Zakonom o osnovnom odgoju i obrazovanju Hercegovačko-neretvanskog kantona.

G-din Husejin Smajlović navodi da je taj zakon razmatran u okviru sjednice Komisije za ustavna i zakonodavna pitanja pod tačkom 4 b.

G-din Emir Bubalo predlaže da se dnevni red proširi sa Zakonom o električnoj energiji.

G-đa Vesna Travljanin ističe da bi predstavnik Saveza trebao prisustvovati sesiji Kruga 99 gdje će se govoriti o zakonima o gradovima.

G-din Husejin Smajlović predlaže da tačke za proširenje Dnevnog reda idu prije tekućih pitanja, te predlaže Dnevni red kako slijedi:

1. Zapisnik i Zaključci sa Četvrte sjednice Predsjedništva Skupštine Saveza općina i gradova Federacije Bosne i Hercegovine
2. Finansijski plan Saveza općina i gradova FBiH
 - a) Izvještaj o izvršenju finansijskog plana za 2013. godinu
 - b) Prijedlog finansijskog plana za 2014. godinu
 - c) Izvještaj o radu Nadzornog odbora za 2013.godinu
 - d) Plan rada Nadzornog odbora za 2014.godinu
 Izvjestilac: Admir Hadžiemrić, predsjednik Nadzornog odbora
3. Realizacija Zaključka Predsjedništva Skupštine Saveza u vezi sa aktivnostima vezanim za izuzimanje jedinica lokalne samouprave od otplate vanjskog duga
Izvjestilac: Ismet Velić, advokat
4. Izvještaj sa sjednica komisija:
 - a) Komisije za ekonomski razvoj općina i gradova i finansije
 - b) Komisije za ustavna i zakonodavna pitanja
 - c) Komisije za izbor i imenovanja
 Izvjestilac: Zlata Turkić, viši saradnik za rad sa skupštinskim komisijama i institucijama vlasti
5. Inicijative:
 - a) općinskih vijeća Visoko, Breza i Banovići u vezi sa aktuelnim zbivanjima
Izvjestioci: predstavnici općinskih vijeća
 - b) općina sa područja Kantona Sarajevo u vezi sa usaglašavanjem Zakona o građevinskom zemljištu sa Zakonom o stvarnim pravima – urgencija
 - c) preispitivanje stava Predsjedništva Skupštine Saveza u vezi sa zaključkom o Nacrtu zakona o premjeru i registraciji nekretnina FBiH
Izvjestilac: Selma Fišek, viši saradnik za pravna pitanja
6. Aktivnosti Saveza na projektima:
 - a) Informacija o implementaciji projektne komponente LOD III
 - b) UNDP MTS – osiguranje kvalitete obuke
Izvjestilac: Šejla Hasić, viši saradnik za projekte-projekt menadžer
7. Informacije:
 - a) Informacija u vezi sa Prijedlogom zakona o izmjenama i dopunama Zakona o zaštiti i dobrobiti životinja
 - b) Informacija o održanoj IX Skupštini NALAS-a
Izvjestilac: Vesna Travljanin, direktor Saveza
8. Tekuća pitanja

G-din Husejin Smajlović konstatuje da je Dnevni red jednoglasno usvojen.

1. Zapisnik i Zaključci sa Četvrte sjednice Predsjedništva Skupštine Saveza općina i gradova Federacije Bosne i Hercegovine

G-din Husejin Smajlović otvara raspravu, konstatuje da nema komentara, te stavlja Zapisnik i zaključke na glasanje.

Zapisnik i zaključci sa Četvrte sjednice Predsjedništva Skupštine Saveza općina i gradova Federacije Bosne i Hercegovine su jednoglasno usvojeni.

2. Finansijski plan Saveza općina i gradova Federacije BiH

- a) Izvještaj o izvršenju finansijskog plana za 2013. godinu
- b) Prijedlog finansijskog plana za 2014. godinu
- c) Izvještaj o radu Nadzornog odbora za 2013. godinu
- d) Plan rada Nadzornog odbora za 2014. godinu

G-din Admir Hadžiemrić navodi da je 15.04.2014. godine održana sjednica Nadzornog odbora Saveza i ističe da je evidentan pad članarina Saveza što dovodi u pitanje njegov rad. Ističe da je iz projektnih sredstava finansirano oko 40% aktivnosti Saveza. Naglašava da će, ako se općine ne uozbilje, doći do vrlo lošeg rezultata na kraju godine. Navodi problem sa Švicarskom agencijom za saradnju - SDC i Ambasadam Švicarske u Sarajevu gdje je došlo do dugovanja Savezu u iznosu od 41.328,12 KM koja su pronevjerena od strane Centra za ljudska prava Univerziteta u Sarajevu. Ističe da je došlo do pada članarina u iznosu od oko 130.000 KM. Dalje navodi da je Plan rada Nadzornog odbora za 2014. godinu baziran na ukupnom procentu naplate članarina, što će se teško postići, te da su i neki od projekata upitni. Konstatuje da se općine zaista moraju uozbiljiti sa uplatom članarina da bi opstao rad Saveza. Dodao je da su primjećene uštede na platama zaposlenika Saveza, što je pohvalio, ali da su se i te mjere pokazale nedovoljnim.

G-din Husejin Smajlović otvara raspravu.

G-đa Amra Babić ističe da je ovo zasigurno problem i navodi da ni Općina Visoko ne izmiruje redovno svoje članske obaveze prema Savezu. Postavlja pitanje o tome koliko su stari podaci o budžetima općina.

G-đa Šejla Hasić navodi da podaci datiraju iz 2008. godine i da su općine dužne prijaviti promjene u svojim budžetima.

G-đa Amra Babić navodi da bi trebalo revidirati Odluku o članarinama tako što bi se procentualno odredilo koliki dio budžeta općine ide za članarinu Savezu.

G-đa Vesna Travljanin ističe da smo više puta imali inicijative za izmjene ove odluke, počev od stručne službe, ali također ističe da se ne bi trebali brinuti za naš opstanak ako bi imali naplaćenu članarinu po postojećoj odluci. Navodi problem ukidanja granta Savezu od strane Federalnog ministarstva pravde kao i završetak projekta „Beacon schema“.

G-din Emir Bubalo ističe problem novousvojenih izmjena Zakona o pripadnosti javnih prihoda.

G-din Asim Mekić izražava saglasnost sa prijedlogom g-đe Amre Babić ali smatra da je to teško provodivo. Predlaže da se usvoji predloženi plan, a da se za ubuduće pokuša iznaći bolje rješenje.

G-đa Zlata Turkić ističe da je i Komisija za ustavna i zakonodavna pitanja razmatrala ovo pitanje i naglašava da je zaista teško raditi u postojećim uslovima.

G-din Admir Hadžiemrić naglašava da se treba vratiti na prethodno pitanje i da se brzo prešlo na pitanje modela naplate članarina. Ističe da, ako se preuzme obaveza da se nešto plaća, onda se toga treba i držati.

G-din Muhamed Ramović ističe da danas ne bi trebalo ići u izmjenu odluke, te navodi da se uputi pismo općinama koje imaju dug da izmire svoje članske obaveze prema Savezu za 2013. godinu.

Također je istakao da je potrebno uputiti pismo Vladi Federacije BiH da se Savezu odobri grant u iznosu od 50.000 KM.

G-din Emir Bubalo naglašava da se trebaju izjasniti one općine koje neće plaćati svoje članske obaveze prema Savezu i da iste treba isčlaniti iz Saveza.

Nakon rasprave, Predsjedništvo Saveza je jednoglasno usvojilo slijedeće zaključke:

- **Usvajaju se predloženi dokumenti kako slijedi:**
 - a) **Izvještaj o izvršenju finansijskog plana za 2013. godinu**
 - b) **Prijedlog finansijskog plana za 2014. godinu**
 - c) **Izvještaj o radu Nadzornog odbora za 2013. godinu**
 - d) **Plan rada Nadzornog odbora za 2014. godinu**
- **Za ubuduće se može uraditi analiza postojeće odluke o članarinama s ciljem iznalaženja boljih rješenja;**
- **Uputiti pismo općinama koje nisu izmirile članarinu za 2013. godinu da izvrše svoju obavezu;**
- **Ako iste ne izvrše navedenu obavezu, razmotriti pitanje njihovog isčlanjenja iz Saveza, ukoliko smatraju da im Savez nije potreban.**

3. Realizacija Zaključka Predsjedništva Skupštine Saveza u vezi sa aktivnostima vezanim za izuzimanje jedinica lokalne samouprave od otplate vanjskog duga

G-din Ismet Velić navodi relevantna zakonska rješenja koja se tiču pitanja otplate vanjskog duga, i to Zakon o sistemu indirektnog oporezivanja u Bosni i Hercegovini i Zakon o raspodjeli javnih prihoda Federacije Bosne i Hercegovine. Ističe da je ovdje riječ o prilično složenom problemu u odnosu na postupke koje smo do sada imali, kao što su bili Zakon o šumama, Zakon o koncesijama i dr. Naglašava da je u ovom slučaju povreda prava općina postavljena indirektno kroz sistem otplate vanjskog duga i dodaje da odredbe Zakona o sistemu indirektnog oporezivanja u Bosni i Hercegovini ne zadiru direktno u prava općina. Ističe da Savez već ima zauzete određene stavove kada je u pitanju Zakon o pripadnosti javnih prihoda Federacije Bosne i Hercegovine i napominje da je stav Federalnog ministarstva finansija da oni nisu nadležni za zakon na nivou države. Konstatuje činjenicu da ovdje dolazi do umanjavanja sredstava za općine.

G-din Emir Bubalo ističe da se ovdje radi o pogrešnoj primjeni entitetskog uputstva i smatra da Savez može tražiti zaštitu i putem redovnog suda.

G-din Ismet Velić naglašava da je ovom problemu prišao sa aspekta primjene zakonskih propisa i posljedica koje iz toga proizilaze. Dalje navodi četiri mogućnosti za djelovanje Saveza po pitanju izuzimanja jedinica lokalne samouprave od otplate vanjskog duga, i to: mogući postupci pred Ustavnim sudom BiH, mogući postupci pred Ustavnim sudom Federacije BiH, mogući postupak pred redovnim sudom u Federaciji BiH i mogućnost učešća u formiranju i radu radnih tijela, te postupcima pripreme i donošenja relevantnih zakona. Ističe i da bi Savez mogao ustati s tužbom protiv Federacije BiH kroz pokretanje parničnog postupka i izdejstvovati pozitivnu presudu s tim što presuda ne bi mogla za ubuduće riješiti ovaj problem.

G-din Emir Bubalo naglašava da treba osporavati pogrešnu primjenu entitetskog uputstva.

G-din Ismet Velić ističe da postoji i određeni prostor za djelovanje Saveza kroz učešće u radnim grupama za izmjene zakonske regulative i navodi da je ovo po njegovom mišljenju dobra mogućnost za Savez.

Gdin Husejin Smajlović postavlja pitanje kako se vrši otplata vanjskog duga preko državnog budžeta i možemo li izračunati dio koji gubimo i za njega tužiti.

G-din Asim Mekić ističe da mi nemamo ništa sa dijelom koji pripada državi i da je sporan dio koji pripada Federaciji BiH, te navodi da su općine i kantoni napravili dio vanjskog duga.

G-din Emir Bubalo navodi da je osnov, da onaj ko se zadužuje, mora da vraća svoj dug. Ističe da stvarno zaduženje dolazi preko entiteta i da se država formalno zadužuje u korist entiteta.

Gdin Husejin Smajlović naglašava da je pitanje na koju osnovicu se izračunava 8,42 %.

G-đa Amra Babić ističe da postoji analitika u Federalnom ministarstvu finansija i da je bila član Komisije za dug Federacije BiH. Smatra da bi rješenje bilo oformiti fond u koji će sve općine vršiti uplatu svog dijela duga. Navodi da tužba treba ići protiv Federacije, a ne države.

G-din Nedžad Koldžo navodi dvije stvari preko kojih treba djelovati: jedan aspekt je tužba za nadoknadu štete za zadnje tri godine zbog pogrešne primjene entitetskog uputstva, a druga stvar je da treba tražiti povredu prava zbog nekonsultovanja jedinica lokalne samouprave kod donošenja uputstva jer je njegovom primjenom ugroženo pravo na lokalnu samoupravu, te je potrebno tražiti njegovo stavljanje van snage.

G-din Emir Bubalo naglašava da je ključ u primjeni uputstva.

G-din Edin Smajić ističe da su ovdje i kantoni itekako oštećeni, te da se ne mogu dobiti podaci o relevantnom vanjskom dugu.

G-din Emir Bubalo ističe da je problem to što se pogrešno primjenjuje osnovica.

G-din Asim Mekić predlaže da se sjedne sa advokatom i da mu se daju pravci daljeg djelovanja. Naglašava da je potrebno zvanično tražiti podatke od Federalnog ministarstva finansija o tome koliki dug imaju općine.

G-din Edin Smajić navodi da ministar finansija Kantona Sarajevo ima analizu o ovim pitanjima za sve općine Kantona Sarajevo i da to treba uzeti kao osnovu za dalje korake.

G-din Agan Bunić naglašava da, kada se ovdje priča sve zvuči vrlo jednostavno, ali da još niko ništa nije poduzeo. Smatra da se treba utvrditi polazna tačka i krenuti sa odgovarajućim postupkom. Navodi da se uvijek nešto analizira i da je potrebno krenuti sa konkretnim potezima.

G-din Husejin Smajlović ističe da se govori o primjeni važećih propisa i pretendira da se odvojimo od kantona.

G-din Ismet Velić napominje da se nije bavio onim što je bilo predmet ranijih analiza. Konstatuje da se danas prilično konkretiziraju stvari, da u startu imamo utvrđene koeficijente raspodjele i da dio koji pripada općinama biva automatski umanjen za otplatu vanjskog duga.

G-din Husejin Smajlović navodi da bi htio pojednostaviti stvari. Ističe da nema ništa od razgovora sa federalnim ministrom finansija. Naglašava da se trebaju uzeti podaci iz 2013. godine o tome koliko je Federacija BiH otplatila vanjskog duga i vidjeti udio općina u otplati (8,42% od tog iznosa).

G-din Edin Smajić ističe da odustaje od priče o kantonima, te da je Kanton Sarajevo specifičan.

G-din Husejin Smajlović smatra da se trebamo svesti na jednu fiskalnu godinu i ići s tužbom.

G-din Ismet Velić ističe da je potrebno izvući konkretne podatke o tome u kolikom iznosu su općine učestvovalе u otplati vanjskog duga, te da se mora angažovati ovlaštени sudski vještak finansijske struke da izradi analizu u vezi sa ovim. Napominje da će se koristiti analiza koju već imamo. Naglašava da je teret dokazivanja na tužiocu.

Nakon rasprave, Predsjedništvo Saveza je jednoglasno usvojilo slijedeći zaključak:

- **Do slijedeće sjednice Predsjedništva Saveza, advokat Ismet Velić treba pripremiti opomenu pred tužbu i tužbu Saveza općina i gradova Federacije Bosne i Hercegovine protiv Federacije Bosne i Hercegovine u vezi sa povredom prava općina nastalom zbog načina otplate vanjskog duga Bosne i Hercegovine servisiranog preko Uprave za indirektno oporezivanje Bosne i Hercegovine u 2013. godini (otplata duga prema Međunarodnom monetarnom fondu), a za dio koji su općine uplatile po ovom osnovu, što znači 8,42 % od tog iznosa.**

4. Izvještaj sa sjednica komisija:

a) Komisije za ekonomski razvoj općina i gradova i finansije

G-din Husejin Smajlović navodi pojedinačne zaključke sa sjednice Komisije za ekonomski razvoj općina i gradova i finansije.

Predsjedništvo Saveza je jednoglasno usvojilo slijedeće zaključke:

- 1. Mišljenje o Prijedlogu zakona o dopuni Zakona o porezu na imovinu, nasljeđe i poklon Tuzlanskog kantona**
 - **Daje se pozitivno mišljenje Prijedlogu zakona o dopuni Zakona o porezu na imovinu, nasljeđe i poklon Tuzlanskog kantona.**
- 2. Nacrt zakona o izmjenama i dopunama Zakona o pripadnosti javnih prihoda Hercegovačko-neretvanskog kantona**
 - **Komisija ne podržava Nacrt zakona o izmjenama i dopunama Zakona o pripadnosti javnih prihoda Hercegovačko-neretvanskog kantona.**

3. Nacrt zakona o izmjenama i dopunama Zakona o porezu na promet nekretnina Hercegovačko-neretvanskog kantona

- **Komisija ne podržava Nacrt zakona o izmjenama i dopunama Zakona o porezu na promet nekretnina Hercegovačko-neretvanskog kantona.**

4. Inicijativa Općine Novo Sarajevo za izmjene i dopune Zakona o plaćama i naknadama u organima vlasti FBiH

- **Podržava se Inicijativa Općine Novo Sarajevo za izmjene i dopune Zakona o plaćama i naknadama u organima vlasti Federacije BiH;**
- **U izradu koeficijenata za lokalni nivo treba da se uključi Savez.**

5. Nacrt zakona o trezoru u Federaciji BiH

- **Nacrt zakona o trezoru u Federaciji BiH uputiti svim jedinicama lokalne samouprave u Federaciji BiH na davanje mišljenja, sugestija i prijedloga.**

6. Inicijativa Općine Tešanj za izmjene načina raspodjele sredstava od PDV-a

- **Podržava se Inicijativa Općine Tešanj u vezi sa raspodjelom javnih prihoda.**

7. Program javnih investicija

- **Da se jedinicama lokalne samouprave omogući pristup Projektu javnih investicija, odnosno Informaciji o projektu/programu – IP obrascu;**
- **Da se u Odluci o pripremi programa javnih investicija Federacije BiH u Poglavlju VII (Podnositelji projektnih i programskih prijedloga), stav 1., alineja 3. brišu riječi „putem kantona“.**

8. Stanje naplate članarina Saveza općina i gradova Federacije BiH

- **Komisija predlaže da se sugeriše svim članicama da izvršavaju svoju obavezu i uplaćuju članski doprinos, odnosno da poštuju član 15. stav 1. tačka 3. Statuta Saveza;**
- **Predlaže se Predsjedništvu Skupštine Saveza da ozbiljno razmotri ovaj problem i utvrdi mjere po ovom pitanju.**

b) Komisije za ustavna i zakonodavna pitanja

G-din Husejin Smajlović navodi pojedinačne zaključke sa sjednice Komisije za ustavna i zakonodavna pitanja.

Predsjedništvo Saveza je jednoglasno usvojilo slijedeće zaključke:

1. Nacrt zakona o pravobranilaštvu Srednjobosanskog kantona

- **Nacrt Zakona o pravobranilaštvu Srednjobosanskog kantona predstavlja dobru osnovu za izradu Prijedloga zakona, uz slijedeće sugestije:**
- **Brisati član 14. Nacrta zbog toga što je ovo već tretirano članovima 9. i 10.;**

- U članu 47. stav 1. Nacrta riječi „u trajanju od najmanje tri godine“ mijenjaju se riječima „u trajanju od najmanje pet godina. U stavu 2. istog člana riječi „u trajanju od najmanje jednu godinu“ mijenjaju se riječima „u trajanju od najmanje tri godine“;
 - U članu 49. stav 2. iza riječi „Srednjobosanskog kantona“ dodaju se riječi „i odluka Općinskog vijeća“;
 - U članu 59. stav 2. ispraviti tehničku grešku tako što se riječ „kantonalnog“ mijenja riječju „općinskog“;
 - Pri izradi Prijedloga zakona u najvećoj mogućoj mjeri uvažiti mišljenja i prijedloge jedinica lokalne samouprave sa područja kantona.
2. **Nacrt zakona o upotrebi znakovnog jezika u Srednjobosanskom kantonu**
- Postoji osnovanost potrebe za donošenje ovog zakona, uz potrebu provođenja javne rasprave i uz uvažavanje mišljenja i prijedloga jedinica lokalne samouprave sa područja kantona i institucija iz ove oblasti.
3. **Inicijativa Općine Tuzla za izmjenu Zakona o državnoj službi u Federaciji BiH**
- Podržava se Inicijativa Općine Tuzla za izmjenu Zakona o državnoj službi u Federaciji BiH, naročito zbog činjenice što postoji moralni i pravni osnov za predloženu izmjenu zakona;
 - Potrebno je da svi kantoni koji su donijeli ovaj zakon regulišu ovo pitanje na isti način.
4. **Inicijativa Općine Tuzla za izmjenu Zakona o matičnim knjigama**
- Podržava se Inicijativa Općine Tuzla za izmjenu Zakona o matičnim knjigama.
5. **Nacrt zakona o zaštiti od buke Tuzlanskog kantona**
- Podržava se Nacrt zakona o zaštiti od buke Tuzlanskog kantona;
 - U javnu raspravu uključiti jedinice lokalne samouprave sa područja Tuzlanskog kantona;
 - Pri izradi Prijedloga ovog zakona, u najvećoj mogućoj mjeri uvažiti mišljenja, sugestije i prijedloge jedinica lokalne samouprave.
6. **Prijedlog zakona o gradovima**
- Podržavaju se prijedlozi Zakona o gradovima (Bihać, Tuzla; Zenica i Široki Brijeg);
 - Zakoni o gradovima treba da idu u redovnu parlamentarnu proceduru u formi nacrta, te je o istima potrebno provesti javnu raspravu;
 - Sesiji Kruga 99 koja će biti održana 27.04.2014. godine, ispred Saveza općina i gradova Federacije BiH će prisustvovati g-din Nedžad Koldžo.
7. **Informacija o stanju naplate članarina Saveza**
- Komisija predlaže da se sugeriše svim članicama da izvršavaju svoju obavezu i uplaćuju članski doprinos, odnosno da poštuju član 15. stav 1. tačka 3. Statuta Saveza;
 - Predlaže se Predsjedništvu Skupštine Saveza da ozbiljno razmotri ovaj problem i utvrdi mjere po ovom pitanju.

c) Komisije za izbor i imenovanja

Predsjedništvo Saveza je jednoglasno usvojilo slijedeće zaključke:

- 1. Prijedlog za člana Nadzornog odbora Projekta Pro Budućnost**
 - **Za člana Nadzornog odbora predlaže se gospodin Edin Hrvić (Općina Doboju Jug).**
- 2. Prijedlog za izbor člana Radne grupe za energetska efikasnost**
 - **U Radnu grupu za energetska efikasnost predlažu se:**
 - **Nazif Babaić (Općina Ilidža)**
 - **Amir Misirlić (Općina Vogošća)**
 - **Kemal Kurević (Općina Tuzla)**
 - **Almir Mustafić (Općina Zavidovići)**
 - **Salmir Avdibašić (Općina Kalesija)**
 - **Ermin Hardauš (Općina Kakanj).**
- 3. Prijedlog za člana Radne grupe za izradu Metodologije o indeksu razvijenosti lokalnih zajednica i kantona u Federaciji BiH**
 - **Da se u Radnu grupu za izradu Metodologije o indeksu razvijenosti lokalnih zajednica i kantona u Federaciji BiH predloži Zlata Turkić.**
- 4. Prijedlog predstavnika Saveza općina i gradova Federacije BiH u Skupštinu NALAS-a - Mreži asocijacija lokalnih vlasti jugoistočne Evrope**
 - **U Skupštinu NALAS - a - Mreža asocijacija lokalnih vlasti jugoistočne Evrope, ispred Saveza općina i gradova Federacije BiH predlaže se Edis Dervišagić, načelnik Općine Gradačac.**

5. Inicijative:

a) Inicijativa općinskih vijeća Visoko, Breza i Banovići u vezi sa aktuelnim zbivanjima

G-đa Zlata Turkić ukratko obrazlaže smisao inicijativa općinskih vijeća Visoko, Breza i Banovići u vezi sa aktuelnim zbivanjima koja se tiču socio-ekonomske situacije.

G-đa Amra Babić navodi da su na sjednici Općinskog vijeće Visoko imali predstavnike Sindikata privatiziranih i neprivatiziranih državnih preduzeća, te da je tom prilikom vijeće usvojilo određene zaključke koji su upućeni Savezu da ih podrži i prosljedi višim nivoima vlasti, kao i da traži od istih da se o njima očituju. Ističe da te zaključke ne bi trebali odbaciti.

G-din Asim Mekić naglašava da sve uvažava, te ističe da nije za ukidanje tzv. „bijelog hljeba“ i konstatuje da Predsjedništvo Saveza može samo primiti k znanju ove inicijative.

G-đa Amra Babić postavlja pitanje o tome ko će od nadležnih institucija tražiti da donesu propise ako ne mi.

G-din Nedžad Koldžo navodi da Predsjedništvo Saveza može tražiti da svako obavlja svoje dužnosti u skladu sa zakonom.

Nakon rasprave, Predsjedništvo Saveza je sa devet glasova „ZA“ i jednim glasom „SUZDRŽAN“ usvojilo slijedeće zaključke:

- **Od organa jedinica lokalnih samouprava se očekuje da rade više na poboljšanju socio-ekonomskog položaja građana svojih lokalnih zajednica;**
- **Od organa viših nivoa vlasti se očekuje da sa više ozbiljnosti i truda rade na razmatranju i pružanju podrške zaključcima i zahtjevima koji dolaze i sa lokalnog nivoa vlasti.**

b) Inicijativa općina sa područja Kantona Sarajevo u vezi sa usaglašavanjem Zakona o građevinskom zemljištu sa Zakonom o stvarnim pravima – urgencija

G-đa Selma Fišek podsjeća Predsjedništvo Saveza da je na prethodnoj sjednici Predsjedništva usvojena Inicijativa za donošenje izmjena i dopuna Zakona o građevinskom zemljištu u cilju njegovog usaglašavanja sa Zakonom o stvarnim pravima, odnosno za odgodu primjene Zakona o stvarnim pravima do donošenja Zakona o izmjenama i dopunama Zakona o građevinskom zemljištu kako bi se isti mogli zajedno primjenjivati. Dalje navodi da Savez nije dobio odgovor od strane Parlamenta Federacije BiH po ovom pitanju, te da je u Općini Stari Grad Sarajevo održan sastanak općina iz Kantona Sarajevo na temu primjene Zakona o stvarnim pravima, a koji se počeo primjenjivati 06.03.2014. godine, gdje je ponovo istaknuto da je neophodno usaglašavanje Zakona o građevinskom zemljištu sa Zakonom o stvarnim pravima kako bi se mogle primjenjivati pojedine odredbe Zakona o stvarnim pravima.

Predsjedništvo Saveza je jednoglasno podržalo Urgenciju za usaglašavanje Zakona o građevinskom zemljištu sa Zakonom o stvarnim pravima.

c) preispitivanje stava Predsjedništva Skupštine Saveza u vezi sa zaključkom o Nacrtu zakona o premjeru i registraciji nekretnina Federacije BiH

G-đa Selma Fišek navodi da je Vlada Federacije BiH 19.02.2014. godine utvrdila Nacrt zakona o premjeru i registraciji nekretnina Federacije Bosne i Hercegovine, a koji je podržalo i Predsjedništvo Saveza na sjednici u Kalesiji održanoj 29.10.2013. godine. Međutim, ističe da su općine na seminaru u organizaciji Saveza održanom 04.12.2013. godine izrazile nezadovoljstvo u vezi pomenutog nacrtu, i to u pogledu osnivanja kantonalne uprave za geodetske i imovinsko-pravne poslove koja bi po mišljenju učesnika seminara oduzela jednu od izvornih nadležnosti jedinica lokalne samouprave.

Nakon rasprave, Predsjedništvo Saveza je jednoglasno usvojilo slijedeći zaključak:

- **Savez će pratiti aktivnosti i uključiti se u javnu raspravu o Nacrtu zakona premjeru i registraciji nekretnina Federacije Bosne i Hercegovine te osigurati da ni jedno pravo lokalne samouprave ne bude povrijeđeno ovim zakonom.**

6. Aktivnosti Saveza na projektima:

a) Informacija o implementaciji projektne komponente LOD III

G-đa Šejla Hasić ukratko informiše Predsjedništvo Saveza o provedenim aktivnostima na implementaciji projektne komponente LOD III, navodi da su održani treninzi o primjeni LOD metodologije, te da je Vlada Federacije BiH 13.03.2014. godine donijela Odluku o usvajanju metodologije za transparentno finansiranje projekata organizacija civilnog društva po standardima Evropske unije - LOD metodologiju, te je preporučila nižim nivoima vlasti na usvajanje i primjenu.

Predsjedništvo Saveza je primilo k znanju Informaciju o implementaciji projektne komponente LOD III.

b) UNDP MTS – osiguranje kvalitete obuke

G-đa Šejla Hasić navodi da su u sklopu projekta „Sistem obuke za jedinice lokalne samouprave u BiH“ u cilju osiguranja kvaliteta obuke izrađeni prijedlozi dokumenata, i to:

Pravilnik o izboru izvođača obuke i stručnog usavršavanja u jedinicama lokalne samouprave u Federaciji Bosne i Hercegovine i njihovim pravima i obavezama, Pravilnik o standardima obuke i stručnog usavršavanja službenika i izabраниh zvaničnika u jedinicama lokalne samouprave i postupku odobravanja programa stručnog usavršavanja, Standardi obuke i stručnog usavršavanja službenika i izabраниh zvaničnika u jedinici lokalne samouprave, te Smjernice za pripremanje i izvođenje programa obuke za službenike i izabrane zvaničnike u jedinicama lokalne samouprave u Bosni i Hercegovini. Ističe da bi Predsjedništvo Saveza trebalo usvojiti navedene dokumente.

Predsjedništvo Saveza je jednoglasno usvojilo kako slijedi:

- **Pravilnik o izboru izvođača obuke i stručnog usavršavanja u jedinicama lokalne samouprave u Federaciji Bosne i Hercegovine i njihovim pravima i obavezama;**
- **Pravilnik o standardima obuke i stručnog usavršavanja službenika i izabраниh zvaničnika u jedinicama lokalne samouprave i postupku odobravanja programa stručnog usavršavanja;**
- **Standardi obuke i stručnog usavršavanja službenika i izabраниh zvaničnika u jedinici lokalne samouprave;**
- **Smjernice za pripremanje i izvođenje programa obuke za službenike i izabrane zvaničnike u jedinicama lokalne samouprave u Bosni i Hercegovini.**

7. Informacije:

a) Informacija u vezi sa Prijedlogom zakona o izmjenama i dopunama Zakona o zaštiti i dobrobiti životinja

G-đa Selma Fišek navodi da je u skladu sa zaključcima Predsjedništva, Savez već ranije upućivao inicijative za izmjene i dopune Zakona o zaštiti i dobrobiti životinja prema Domu naroda Parlamentarne skupštine Bosne i Hercegovine. Ističe da Savez ima saznanja da će se na 37. sjednici Doma naroda Parlamentarne skupštine Bosne i Hercegovine zakazane za 29.04.2014. godine razmatrati Izvještaj komisije Kolegija o nastojanju za postizanje saglasnosti o Mišljenju Ustavopravne komisije Doma

naroda Parlamentarne skupštine BiH na Prijedlog zakona o izmjenama i dopunama Zakona o zaštiti i dobrobiti životinja.

Nakon rasprave, Predsjedništvo Saveza je jednoglasno usvojilo slijedeće zaključke:

- **Savez općina i gradova Federacije Bosne i Hercegovine, kao zakonski zastupnik svojih članica pred višim nivoima vlasti, ostaje pri svojim stavovima koji su ranije dostavljeni Domu naroda Parlamentarne skupštine Bosne i Hercegovine;**
- **Savez općina i gradova Federacije Bosne i Hercegovine smatra da je ishitreno i loše urađen osnovni Zakon o zaštiti i dobrobiti životinja;**
- **Savez općina i gradova Federacije Bosne i Hercegovine izražava zabrinutost Mišljenjem Ustavnopravne komisije Doma naroda broj: 02/1-50-8-22-36/13 od 30.12.2013. godine, te isto smatra neprihvatljivim iz razloga što se prolongira rješavanje ovog izuzetno važnog pitanja koje se tiče sigurnosti građana;**
- **Iako svjesni činjenice da bi se usvajanjem predloženih izmjena i dopuna Zakona djelimično popravilo stanje na terenu, Savez općina i gradova Federacije Bosne i Hercegovine insistira da Dom naroda što hitnije usvoji Prijedlog zakona o izmjenama i dopunama Zakona o zaštiti i dobrobiti životinja, čiji je predlagač Predstavnički dom Parlamentarne skupštine BiH;**
- **Ukoliko Dom naroda ne usvoji Prijedlog zakona o izmjenama i dopunama Zakona o zaštiti i dobrobiti životinja, smatramo ga odgovornim za ugrožavanje sigurnosti građana BiH.**

b) Informacija o održanoj IX Skupštini NALAS-a

G-đa Vesna Travljanin navodi da je u Sarajevu 10. i 11.04.2014. godine održana IX Generalna skupština Mreže asocijacija lokalnih vlasti jugoistočne Evrope – NALAS, te ističe da je ovom skupu prisustvovao veliki broj načelnika/gradonačelnika i drugih predstavnika asocijacija lokalnih vlasti iz 12 država jugoistočne Evrope, kao i predstavnici međunarodne zajednice i mnogi drugi ugledni gosti iz zemlje i inostranstva.

Predsjedništvo Saveza je primilo k znanju ovu informaciju.

8. Tekuća pitanja

Pod tekućim pitanjima g-đa Vesna Travljanin navodi da je Federalno ministarstvo finansija tražilo od Saveza da imenuje svog predstavnika u Fiskalno koordinacijsko tijelo Federacije BiH.

Predsjedništvo Saveza je jednoglasno usvojilo zaključak da se ispred Saveza općina i gradova Federacije BiH u Fiskalno koordinacijsko tijelo Federacije BiH imenuje g-đa Amra Babić, načelnica Općine Visoko.

G-đa Vesna Travljanin dalje navodi da se određeni broj subjekata obratio Savezu po pitanju davanja saglasnosti Saveza za njihovo učešće u projektima koji se tiču jačanja uloge mjesnih zajednica.

Predsjedništvo Saveza je jednoglasno zaključilo da Savez nikome neće davati preference po pitanju apliciranja na projekte koji se tiču jačanja uloge mjesnih zajednica, te da će se nakon što bude izabran implementator projekta razgovarati o mogućoj saradnji i ulozi Saveza na projektu.

Pod tekućim pitanjima je istaknuto i da problem predstavlja član 68. i član 73. stav 3. Zakona o električnoj energiji.

Predsjedništvo Saveza je jednoglasno usvojilo zaključak da je potrebno realizirati zaključak sa prethodne sjednice Predsjedništva u vezi sa ovim pitanjem i to kako slijedi:

- **Stručna služba Saveza i Radna grupa za energetska efikasnost, čiji će se članovi imenovati na slijedećoj sjednici Predsjedništva Saveza, sa gospodinom Emirom Bubalom, pripremiti primjedbe na Zakon o električnoj energiji;**
- **Ukoliko se nadležni organi ne oglase povodim istih, pokrenuti aktivnosti prema Ustavnom sudu Federacije Bosne i Hercegovine.**

Nakon što je konstatovano da su sve tačke Dnevnog reda iscrpljene, g-din Husejin Smajlović zatvara Petu sjednicu Predsjedništva Saveza u 15.20 sati.

Predsjednik Predsjedništva Skupštine Saveza
Husejin Smajlović, s.r.